

## 八世祖威武将军团公实录

八世祖讳团宋开州刺史大夫讳兢之子也太宗朝历官参将领兵勤王以功封威武将军加侯职晋封信国公食邑三千户卒于京享寿八十二岁敕葬紫金山有军人守墓諡英烈公配夫人九王氏次刘周程常杨黄毛鲍生子十一球明洪清恭茂槐庆宗寿秀秀生最晚义门莊业已按十份分定诸兄集义于福寿寺各退庄田一份斂拢成莊给秀管理遂改福寿寺为斂田寺先是鲍夫人随公留京公卒后塑公像与秀奉回入斂田寺享祀名曰斂田神后因世乱移入都天神案至今香火弗替云

论曰公承忠厚之遗为朝廷倚重当时勋业必有历历可观者乃生徒著其名没难详其实数典者不能无遗恨矣然至今数百余载穷乡僻壤妇孺知名以视彪炳史册者何如也又况庙享千秋祀隆万姓所谓盛德之后必百世祀者公其庶几矣